

Հավելված  
ՀՀ կառավարության 2015 թ.  
ապրիլի 22-ի նիստի N 18  
արձանագրային որոշման

## **ՇՐՋԱՆԱԿԱՅԻՆ ՀԱՄԱՁԱՅՆԱԳԻՐ**

### **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**ԵՎ**

### **ՈՒՐՈՒԳՎԱՅԻ ԱՐԵՎԵԼՅԱՆ ՀԱՆՐԱՊԵՏՈՒԹՅԱՆ**

### **ՄԻՋԵՎ ՀԱՄԱԳՈՐԾԱԿՑՈՒԹՅԱՆ ՄԱՍԻՆ**

Հայաստանի Հանրապետությունը և Ուրուգվայի Արևելյան  
Հանրապետությունը, այսուհետ՝ «Կողմեր»

Ուղղորդվելով երկու պետությունների միջև բարեկամական և փոխըմբռնման  
հարաբերությունները ամրապնդելու ցանկությամբ,

Գիտակցելով փոխադարձ շահերի առկայությունը և ընդհանուր նպատակներին  
ուղղված ջանքերի համակարգման անհրաժեշտությունը,

Գնահատելով երկու պետությունների համար հետաքրքրության ոլորտներում  
փոխադարձ և արդյունավետ փոխադարձ համագործակցություն խորացման  
կարևորությունը՝ ուղղված ժողովուրդների զարգացմանը,

Արտահայտելով իրենց ցանկությունը ամրապնդելու և առավելապես  
զարգացնելու երկու պետությունների միջև համագործակցային հարաբերությունները՝  
հիմնված ազգային ինքնիշխանության, հավասարության և փոխադարձության  
սկզբունքների հարգման վրա՝ միջազգային իրավունքի նորմերի և սկզբունքների ու  
պետությունների ներպետական օրենսդրությունների համաձայն:

Համաձայնեցին հետևյալի մասին.

## **Հոդված I**

Սույնով Կողմերը պարտավորվում, իրենց ներպետական օրենսդրություններին համապատասխան, խթանել համագործակցությունը երկու պետությունների միջև փոխադարձ հետաքրքրություն ներկայացնող բնագավառներում՝ սույն Համաձայնագրի դրույթների համաձայն:

## **Հոդված II**

Սույն Համաձայնագրի շրջանակներում իրականացվող համագործակցությունը կընդգրկի փոխադարձ հետաքրքրություն ներկայացնող ոլորտներ, այդ թվում՝ տնտեսական, առևտրային, ֆինանսական, արդյունաբերական, գյուղատնտեսական, գիտական, տեխնիկական և մշակութային համագործակցության, ինչպես նաև Կողմերի փոխադարձ համաձայնությամբ՝ այլ ոլորտներ:

## **Հոդված III**

Կողմերը համաձայնում են, որ այսուհետ սույն Համաձայնագիրն այն շրջանակն է, որը սահմանում է Կողմերի միջև համագործակցությունը կանոնակարգող ինստիտուցիոնալ շրջանակը, որի հիման վրա փոխադարձ հետաքրքրության ներկայացնող յուրքանջուր ոլորտում Կողմերը կարող են կնքել լրացուցիչ համաձայնագրեր:

Այդ լրացուցիչ համաձայնագրերով կսահմանվեն Կողմերի միջև իրակացվելիք համագործակցության ծրագրերը և նախագծերը, դրանց նպատակները, ֆինանսական ու տեխնիկական ռեսուրսները և աշխատանքային ժամանակացույցերը, ինչպես նաև այն հատուկ բնագավառները, որոնցում դրան իրականացվելու են:

Ի լրումն՝ Հայաստանի Հանրապետության և Ուրուգվայի Արևելյան Հանրապետության համապատասխան կառույցներն ու կազմակերպությունները կարող են ստորագրել ոլորտային համագործակցության վերաբերյալ այն փաստաթղթերը, որոնք նրանք անհրաժեշտ կհամարեն երկկողմ

հարաբերությունները ամրապնդելու համար՝ Կողմերի արտաքին գործերի նախարարությունների հետ խորհրդակցելուց և համաձայնեցնելուց հետո:

#### **Հոդված IV**

Սույն Համաձայնագիրը, ինչպես նաև դրա շրջանակներում ընդունված միջոցները չպետք է հակասեն որևէ Կողմի միջազգային պարտավորություններին, որոնք բխում են այն միջազգային պայմանագրերից, որոնց կողմ է վերջինս:

#### **Հոդված V**

Կողմերի միջև ծագած յուրաքանչյուր տարաձայնություն կապված սույն Համաձայնագրի դրուֆների մեկնաբանման կամ կիրառման հետ կլուծվի Կողմերի միջև խորհրդակցությունների միջոցով՝ դիվանագիտական ուղիներով:

#### **Հոդված VI**

Սույն Համաձայնագիրը կարող է փոփոխվել Կողմերի փոխադարձ գրավոր համաձայնությամբ: Այդ փոփոխություններն ուժի մեջ կմտնեն սույն Համաձայնագրի հոդված VII-ի դրույթների համաձայն և կլինեն սույն Համաձայնագրի անբաժանելի մասը:

#### **Հոդված VII**

Սույն Համաձայնագիրն ուժի մեջ է մտնում վերջին գրավոր ծանուցման ամսաթվին, որով Կողմերը դիվանագիտական ուղիներով միմյանց տեղեկացնում են, որ Համաձայնագրի ուժի մեջ մտնելու համար ներպետական օրենսդրությամբ նախատեսված անհրաժեշտ ընթացակարգերն ավարտվել են:

## **Հոդված VIII**

Սույն Համաձայնագրի լգործի 5 (հինգ) տարի ժամկետով և դրա գործողությունը ինքնաբերաբար կերկարացվի լրացուցիչ հավասար ժամանակահատվածներով, բացառությամբ այն դեպքի, երբ Կողմերից մեկը դիվանագիտական ուղիներով գրավոր ծանուցի մյուս Կողմին Համաձայնագրի գործողությունը դադարեցնելու իր մտադրության մասին, Համաձայնագրի գործողության ժամկետի ավարտից առնվազն 3 (երեք) ամիս առաջ:

Կողմերից յուրաքանչյուրը կարող է սույն Համաձայնագրի դադարեցման մասին ծանուցել մյուս Կողմին ցանկացած ժամանակ, և Համաձայնագրի գործողությունը կդադարեցվի մյուս Կողմին ծանուցելու պահից 3 (երեք) ամիս անց:

Սույն Համաձայնագրի դադարեցումը չի խոչընդոտի այն ծրագրերի և նախագծերի իրականացմանը, որոնց վերաբերյալ համաձայնություն է ձեռք բերվել սույն Համաձայնագրի կամ դրա լրացուցիչ համաձայնագրերի շրջանակներում նախքան սույն Համաձայնագրի ուժը կորցնելը:

Կատարված է Մոնտեվիդեոյում 2014թ. հուլիսի 9-ին, հայերեն, իսպաներեն և անգլերեն լեզուներով: Բոլոր տեքստերը հավասարազոր են: Մեկնաբանությունների ժամանակ առաջացած հակասությունների դեպքում կգերակայի անգլերեն լեզվով տարբերակը:

**Հայաստանի Հանրապետության**

**Կողմից՝**

**Ուրուգվայի Արևելյան  
Հանրապետության կողմից՝**